

Headline	Lelaki OKU maut terperangkap dalam kebakaran kedai motosikal		
MediaTitle	Sinar Harian	Language	Malay
Date	29 Jan 2024	Readership	420,000
Circulation	140,000	Page No	19
Section	Nasional	Journalist	N/A
ArticleSize	187 cm ²		
PR Value	RM 11,893		



Lelaki OKU maut terperangkap dalam kebakaran kedai motosikal

GURUN - Seorang lelaki orang kurang upaya (OKU) maut selepas terperangkap dalam kebakaran sebuah kedai motosikal di Taman Sri Utama Gurun di sini pada Ahad.

Penolong Pengarah Bahagian Operasi Kebombaan dan Penyelamat, Jabatan Bomba dan Penyelamat Malaysia (JBPM) Kedah, Pengguna Kanan Bomba I Wan Mohd Hamizi Wan Mohd Zin berkata, mangsa berusia 34 tahun ditemui dalam tandas premis berkenaan.

"Sebelum itu, sepasukan anggota bersama jentera dari Balai Bomba dan Penyelamat (BBP) Guar Chempedak dan BBP Yan dikejar-jak ke lokasi kejadian selepas me-

nerima panggilan pada jam 4.40 pagi melalui talian MERS 999.

"Setiba di lokasi kejadian, komander operasi melaporkan berlaku kebakaran melibatkan sebuah kedai kelas A satu tingkat," katanya dalam satu kenyataan pada Ahad.

Wan Mohd Hamizi memberitahu, kedai terbabit didapati mengalami kemusnahan hampir 90 peratus

Sehubungan itu, kata beliau, anggota bomba membuat pemadam kebakaran menggunakan pancutan dari jentera BBP Guar Chempedak dan BBP Yan dibantu Pasukan Bomba Sukarela (PBS) berhampiran.

Menurut Wan Mohd Hamizi, kerja-kerja memotong pintu utama

jerji besi turut dilakukan bagi mencari mangsa.

Tambah beliau, pihak bomba kemudiannya menemui seorang lelaki dalam tandas premis sebelum mangsa disahkan meninggal dunia oleh Kementerian Kesihatan Malaysia.

"Pemeriksaan mendapati mangsa tidak melecur bagaimanapun maut selepas terperangkap dan lemas dalam kebakaran itu," katanya.

Beliau memaklumkan, kebakaran itu dapat dikawal pada jam 5.17 pagi dan operasi tersebut turut melibatkan Polis Diraja Malaysia (PDRM) dan Tenaga Nasional Berhad (TNB).



Kedai motosikal yang terbakar di Taman Sri Utama, Gurun, Kedah pada Ahad.